

ERASO! “kontra”

aurrera

Mintzen nauten hitzak · idazten ditudan kantuak · barnekoa agertzen dute · Zaldirik gabeko zalduna naiz · Hori ez da, hori ez da ukatzerik // Atzera ez da botatzerik · Aurrera // Hostoak erortzen hasi dira · kalipotaz beteriko errepide guztietan · Hostoak erortzen ari dira · udazkena heltzear dagoen seinale besterik ez // da // Ta orain zer? Bizitzan zer? Eraiki zer? da nire hurrengo erronka // Beraz ez naiz.... // Ez dut zuk bilatzen duzunaren · partaidea izan nahi // Atzera ez da botatzerik · Aurrera

egunak

Egunak, izanez egiten direnak al dira · Eguna, orduz ordu mugaturiko denbora · Egunak, ohartu gabe baten joanak · Urteak, aurrera doaz urteak // Izarak hotzak daude gaur · bihotza ez bezala · Noizbait hasi zena, bukatu al da ba?? // Eztarriak urratu nahi ditugu · eta dena esan gabe utzi // Izarak hotzak daude gaur · bihotza ez bezala · Noizbait hasi zena, bukatu al da ba?? // Baina..... // Kontatu nizun behin ipuin baten berri · Protagonista zinen hortan · azaltzen naiz ni · Azken atala idatzi dut · Badakizu horren berri? · Nola bukatzen den?

kontra

Beti berdín · azkenak ilaran · Beti kontra · lehenak zerrendan · Kontra kontra · Guk ordaintzen diegu plater guztia // Beti berdín · jartzen dira · Beti kontra · denok bat eginik · Kontra kontra · Besterik ez dute beraien burmuinetan // Helburu jakinik gabe · idazten hasi naiz · Nire kezka azaldu nahian nabil · Nire konpromisoa · hori da alajaina · Jada martxan jarri da · jarri da abian // Jarri da abian // Atzera begiratu gabe nabil · abian · Hemen esandako hitzek · jabeak dituzte · Eta ez dadila etorri ona · inor hori salatzeraz · Adierazpen askatasuna bait da · azken finean · ate berriak · irekitzen dizkiguna // Ateak ireki

errebelazioa

Zure botere ukiezina · ikututa geratu da · Ez pentsa dirua izateagatik · dena eros daitekela · Hortzak erakutsi ditugula · jada argi geratu da · Panorama beltza dator · ta ez du grazia putarik // Orain zure prepotentzia · garesti aterako zaizu · Ta gainera egunez egun · garesti aterako zaizu · Panorama beltza dator · ta ez du grazia putarik // Aurki denok zuen aurka · ta errebelazio erraldoia · Aurki denok zuen aurka · Ez du errukiak edukiera // Zure botere ukiezina · ikututa geratu da · Ez pentsa dirua izateagatik · dena eros daitekela · Hortzak erakutsi ditugula · jada argi geratu da · Panorama beltza dator · ta ez du grazia putarik // Aurki denok zuen aurka · ta errebelazio erraldoia · Aurki denok zuen aurka · Ez du errukiak edukiera

laztanak/oihuak

Gogoak gorriak bihotza gorria · Aintzinako arrastoak betsarean grabatuak · Haizeak aurpegian ezintasuna gogoan · Behin gertatu zenaren itzalean // Erretratu bat zen · islatzen zuena · Jendearen garrasiak, ezintasuna · Elizaren atarian · eskopeten hotsek · gorpuen odolak isiltzen zituzten // Negarrak · Odola · Laztanak · Oihuak // Garaiak ilunak ta momentu latzak · Ezin kendu nire barruko beldur guztiak · Berriz gertatzea da nire kezka handiena · Behin gertatu zena errepikatzea // Erretratu bat zen · islatzen zuena · Jendearen garrasiak, ezintasuna · Elizaren atarian · eskopeten hotsek · gorpuen odolak isiltzen zituzten

hitzik esan gabe

Hitzik esan gabe esaten da guztia · Zure hitzak entzuten ditut, zure irrifarrak · Zurekin ospa egin zuen usainak · Zurekin joan ziren lau hormen · jakinduria guztiak!! // Beharrek suntsitu ninduten · merezita · Izaerak utzi ez zidana · eraginda · Joatera behartu ninduten · Ta minduta, · inoiz bueltatzeko aginduak · jaso ditut eta // Jaiotako semea · Hezitako enborra · Emandako fruitua · Hauts bilakatu al dira? // Hitzik esan gabe esaten da guztia · Zure hitzak entzuten ditut, zure irrifarrak · Zurekin ospa egin zuen usainak · Zurekin joan ziren lau hormen · jakinduria guztiak!! // Beharrek suntsitu ninduten · merezita · Izaerak utzi ez zidana · eraginda · Joatera behartu ninduten · Ta minduta, · inoiz bueltatzeko aginduak · jaso ditut eta // Gure funtsa hau onartzea · Gure zauriak orbaintzea · Ta gure bidea jorratzen, jarraitu!!

sosegu eza

Badira sosegurik gabeko garaiak · Edota ezinezkoak izango lirakeenak · Hauxe da, zera da, ez direla beti direnak · Baizik eta eraikitzen ditugunak // Sosegu eza, nahia ezina izatea · Sosegu eza, eraiki dugun guztia · Sosegu eza, zure boto xixtrina · Sosegu eza, duzuna eta ez duzuna // Urrun da aldaketa // Patroi batzuk nahi dizkigute inposatu · Beraien ustetan onuragarriak direnak · Baina azkenean lortzen dutena zera da · Basapiztia hasarratzen dela // Sosegu eza, zure gobernu ustela · Sosegu eza, zure etorkizun iluna · Sosegu eza, zure lan prekarioa · Sosegu eza, duzuna eta ez duzuna // Badira sosegurik gabeko garaiak · Edota ezinezkoak izango lirakeenak · Hauxe da, zera da, ez direla beti direnak · Baizik eta eraikitzen ditugunak // Sosegu eza, nahia ezina izatea · Sosegu eza, eraiki dugun guztia · Sosegu eza, zure boto xixtrina · Sosegu eza, duzuna eta ez duzuna

odola ta malkoak

Gaur nire odolak · soineko berria zikindu dit · Gaur ubeldutako aurpegia · negar tantez busti zait // Odola eta malkoak nahasi dira · nire aurpegian · Isiltasun ilunaren barnean · eguzkia dut nik somatu // Putasemea ez zara

aldatuko // Gaur argazki zaharrak igurtzi ditut · azken aldiz · Gaur betirako nire bizitza bizi · Etxe hontatik kanpo egingo dut // Arrenka eskatu arren · ez naiz ni hemen geratuko · ihesi hemendik urrun · ez zaitez nire zain geratu // Puta semea ez zara aldatuko

haur denborak

Haur denborak gogoratuz · Hain hurbil ta hain urrun · Gaztetan nahi izandakoak // Dagoeneko ahaztu dituk · Ahaztu!! · Dagoeneko ahaztu dituk ahaztu!! // Baina ez ezazue, gaizki pentsatu · Ez naiz ni galdu, ezta urreratu · Niretzako beti izan baitira · ikasitako baloreak garrantzitsu // Dagoeneko ahaztu dituk · Ahaztu!! // Baina ikusi haut baloreak suntsitzen · Hire ahoa kristalez josten · Etzak hire mingaina horzkatu · Pozoinen artean urkatu // Bilatu nahian ibilia · Edonor izorratuz · sentsazio horren zirrarak · bultzatzen hau aurreruntz

Ilargia egunez

Bizitzaren hasieratik · gizakiak azalgaitzak diren · gauzen azalpenen bila dabil · Hasieratik · gizakiak azalgaitzak diren · gauzen azalpenen bila dabil · Espazioan ta denboran galdurik // Bizitzaren hasieratik · Bere barrenean bilatzen ez dituen · gauzen bila dabil · Beti urrunera begiratuz dabil · eta gauza garrantzitsuak · hemen daude · Hemen hain hurbil // Non · Denboran galdurik · Non · Espazioaren barrenetik · Nola izan gara hain leloa · Nola utzi gaituzue ona iristen // Ilargia egunez bilatzen // Bizitzaren hasieratik · gizakiak azalgaitzak diren · gauzen azalpenen bila dabil · Hasieratik · gizakiak azalgaitzak diren · gauzen azalpenen bila dabil · Espazioan ta denboran galdurik // Non · Denboran galdurik · Non · Espazioaren barrenetik · Nola izan gara hain leloak · Nola utzi gaituzue ona iristen // Ilargia egunez bilatzen

belaunaldi zauritua

nire belaunaldia zauritua · gobernuaren agindupean · Dibertsifikazioaren eremuan · galdurik inoren lurretan // Gazteen kontzientzia zaituta · Gutxi batzuen aberastea · Nik ez dut nahi parte izan · Orbainek esango didate · izan nintzela // Eta non zaude? · Eta non gaude? · Eta non aurkitzen gara? · Inoiz baino urrunago // Nire belaunaldia zauritua // Eraikitako hezi handienak ere · denon artean botako ditugu · Saldu nahi diguten belaunaldiari · etengabe aurre egin behar diogu // Eta non zaude? · Eta non gaude? · Eta non aurkitzen gara? · Inoiz baino urrunago // Nire belaunaldia zauritua